



Uunga Agathe Fontain
Inatsisartunut ilaasortaq, Inuit Ataqatigiit

**§ 37 naapertorlugu apeqqummut nr. 005/2023-mut – pitsaaliuiner
siunnersortit ilinniarfimmik pilersitsinermut tunngasumut akissut**

Asasara Agathe Fontain

Inatsisartut suleriaasiat naapertorlugu apeqqutinnut qujanaq. Apeqqutit uannit akineqartussanngorlugit ingerlatinneqarsimapput.

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmit apeqqutip akinissaanut atugassanik Meeqqanut, Inuusuttunut Ilaqutariinnullu Naalakkersuisoqarfimmut, taanna pitsaaliuineq pillugu suliassaqarfimmi akisussaasuvoq, tunniussassanik pissarsiniartoqarsimavoq.

Apeqqutit ataasiakkaarlugit matuma ataani issuarneqartassapput akineqartarlutillu, tamatumani Meeqqanut, Inuusuttunut Ilaqutariinnullu Naalakkersuisoqarfimmit tunniussat ilanngunneqartassapput.

Apeqqut 1: Naalakkersuisut pilersaaruteqarpat Peqqissaanermut Ilinniarfiup ataani ilinniakkamik pinaveersaartitsinermut siunnersortit naammassiffiusinnaasumik pilersitsinissamut?

Akissut: Pitsaaliuiner siunnersortit ilinniagaq 2006/2007-imi Paarisamit ataasiarluni immikkoortukkuutaarlugu suliassamut sammisumik ilinniaqqinnertut aaqqissuussaasoq neqeroortigineqarpoq, tamatumani Peqqissaanermik Ilinniarfimmi ilinniarnernut atortorissaarutit atornerqarput.

Ullumikkut pitsaaliuiner siunnersortip suliai tamakkiisumik kommunimi suliassaapput, tamanna inuit peqqissusaannik suliniummut Inuuneritta III-mut sanilliullugu taamatut ittuusartunit allaanerujussuvoq, taannalu NPIT-mi, KRAM-imik taaneqartartoq, pissutsit naapertorlugit (Nerisat, Pujortartarneq, Imigassaq Timigissarnerlu) innuttaasunut assersuutigalugu pujortartarnermi imigassamillu atuinerni ajutooriataarfiusinnaasut pillugit innuttaasunut siammarterinerit qaammarsaanerillu pineqarput.

Inuuneritta III peqqissutsimik siuarsaarniarnermut tunnganerulluni najukkani nukiit naleqartitallu aallaavigalugit kommuninik qanimut suleqateqarluni suliniutinik ineriartortitsinerit qitiutinneqarput. Taamaalillutik Inuuneritta III-mi suliniutit kulturimut attuumassuteqarput aammalu ataatsimoortumik siunnerfeqarluni suliniutitigut ataatsimoorfitsigut peqataatitsinermigullu pitsaaliuiner annertunerusumik sunniuteqarput, tamatumani najukkani inuiaqatigiit tamarmik meeqqanut, inuusuttunut

20-01-2023
Suliap normua 2023 - 691
All. nr. 22174927

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

tamakkulu ilaqutaannut peqqinnartunik peqataatitsisunillu avatangiisinik pilersitseqataanerminni inissisimaffigisaqartarput.

Taamaattumik Pitsaaliuinnermut siunnersortitut ilinniagaq 2006/2007-imeesoqq ilinniaqqitassatut nukinginnartutut neqeroorutigineqassasoq pilersaarutaanngitsoq, kisianni Naalakkersuisoqarfimmit kommunit taamatut ilinniakkap ilinniaqqiffittut pilersitseqqinnissaanik kissaateqarnersut pillugit oqaloqatigerusuppai. Kommunit taamatut kissaateqassappat soorunami tamanna Naalakkersuisut nalilersoqqissavaat.

Apeqqut 2: Peqqissaanermut Ilinniarfiup ataani pinaveersaartitsinermut siunnersortitut ilinniarfimmik pilersitsisoqassagaluarpat qanoq akeqassava?

Akissut: 2006/2007-imi pitsaaliuinnermut siunnersortinngorniarnermut aningaasartuutit 2.823.000 kr.-upput. Ilinniaqqinnissamut aningaasartuutit 2023-mi aningaasartuutit nalingisa ineriartornerannut nutarterneqartariaqassapput.

Inussianersumik inuulluaqqusillunga


Peter Olsen